

Leipzig, 7. Mai 1558

Von Joachim Camerarius d. Ä.

Druck: Camerarius, Epistolae S. 462f.

S. D. Dedimus hinc litteras ad te binas vnà cum alijs, quas si accepere ij quibus scriptae fuerunt, sanè miror nihil responderi. Nisi quia mos est obliuisci hominibus, cuius nihili sit facienda gratia, vt ait Plautus. Quem me insciente denuo edi, resciui, et fero molestè. Sed indies minùs labore quid de meis operis et operibus fiat. Editio sanè fuisse luculentior, si accessissent et emendationes nostrae et aliae quaedam explicationes. Verùm haec omittamus. Tu vt antehac solitus fuisti, litteras tuas studebis ad nos mitti. Hic acria sunt certamina, et circumstrepunt arma. Quae quidem adhuc quiescunt procedentia in his regionibus, quo euasura, nescio. Hoc animaduerto, vt quondam Romam Horatius cecinit, sic nunc Germaniam suis viribus ruere. Hanc epistolam dedi cuidam adolescenti Rhetico, qui officium afferendi tibi à me, nobis obtulit. Opto te quàm rectissimè viuere et valere. Vale. Lipsiae. Non[is] Maij. Anno Domini 58.